



## CONCELLO DA MOI HOSPITALARIA VILA DE MONDARIZ BALNEARIO

### REGULAMENTO DE ORGANIZACIÓN E O FUNCIONAMENTO DO REXISTRO MUNICIPAL DE PARELLAS DE FEITO DO CONCELLO DE MONDARIZ BALNEARIO

#### Artigo 1.-

O Rexistro Municipal de parellas de feito do Concello de Mondariz Balneario terá carácter administrativo e nel poderán inscribirse as unións non matrimoniais de convivencia na forma e cos requisitos que se establecen nas presentes normas.

#### Artigo 2.-

Poderán solicitar a súa inscrición no rexistro todas aquelas parellas incluso do mesmo sexo que polo seu libre e pleno consentimento constituísen unha unión de convivencia non matrimonial, e sexan maiores de idade.

#### Artigo 3.-

A primeira inscrición de cada parella producirase mediante a comparecencia persoal e conxunta das dúas persoas perante o/a funcionario/a a que se encargue o rexistro, para declarar a existencia entre elas dunha unión de convivencia non matrimonial.

Non se procederá a practicar ningunha inscrición se algún dos comparecentes estivese afectado por deficiencias ou anomalías psíquicas. Neste caso deberá achegar dictame médico sobre a súa aptitude para consentir a constitución dunha unión de convivencia non matrimonial.

Así mesmo, denegarase a inscrición se algunha das persoas que comparecen estivese declarada incapaz para contraer matrimonio por relación de parentesco (irmáns, descendentes e ascendentes e colaterais ata o terceiro grao).

#### Artigo 4.-

Nese primeiro asento poderán facerse constar cantas circunstancias relativas á súa unión persoal manifesten as persoas que comparecen.

As inscricións que se refiran á terminación ou extinción da unión terán que ser anotadas necesariamente, xa por morte ou por vontade de un ou dos dous membros. É bastante para a extinción da unión a declaración dun deles.

#### Artigo 5.-

O rexistro estará a cargo da Secretaría do Concello.



## CONCELLO DA MOI HOSPITALARIA VILA DE MONDARIZ BALNEARIO

### Artigo 6.-

O rexistro materializarase nun Libro Xeral no que se practicarán as inscricións ás que se refiren os artigos precedentes. As devanditas inscricións reflectirán o contido da declaración conxunta feita previamente pola parella na folla asinada por ela.

O libro está formado por follas numeradas, seladas e rubricadas polo concelleiro/a de Servizos Sociais e mailo/a Secretario/a do Concello e estará encabezada e rematará coas correspondentes dilixencias de apertura e peche polo/a concelleiro/a de Servizos Sociais mailo/a Secretario/a do Concello.

### Artigo 7.-

A primeira inscrición de cada parella terá o carácter de inscrición básica e na súa marxe anotarase a referencia de calquera outro asento que se produza con posterioridade no libro xeral principal relativo a esa unión.

### Artigo 8.-

O rexistro terá tamén un libro auxiliar ordenado polos apelidos das persoas inscritas no que se expresará o número das páxinas do Libro Xeral nas que existan anotacións que lles afecten.

### Artigo 9.-

Coa fin de garantir a intimidade persoal e familiar das e dos inscritas/os no rexistro, non se dará publicidade ningunha ao contido dos asentos, agás as certificacións que expida o funcionario/a que se encargue do rexistro por instancia exclusivamente de calquera dos membros da unión solicitada ou dos xuíces e tribunais de Xustiza.

### Artigo 10.-

As parellas de feito que se constitúan non terán efectos legais, soamente administrativos e a estes efectos terán a equiparación con calquera matrimonio (solicitudes de vivenda, prestacións por fillo a cargo, bolsas de estudos, pensións non contributivas, RISGA, ...).

### Artigo 11.-

A documentación esixida para inscribirse é: certificado de empadramento de ámbalas dúas partes e fotocopia do D.N.I. de ambos.

### Artigo 12.-

As certificacións expediranse por orde e co visto e praxe do Alcalde.

O presente Regulamento entrará en vigor conforme determina o Código Civil.



## **CONCELLO DA MOI HOSPITALARIA VILA DE MONDARIZ BALNEARIO**

Aprobado polo Pleno do concello de Mondariz Balneario en fecha do 28 de decembro de 2001 do 2001

Publicado no Boletín Oficial da Provincia de Pontevedra en fecha do 31 de maio do 2002 (B.O.P.Núm. 103)